

**MINISTARSTVO UNUTRAŠNJIH POSLOVA KANTONA SARAJEVO**, ulica La Benevolencije broj 16, Sarajevo, koje zastupa ministar Admir Katica (u daljem tekstu: **Naručilac**) i

**"DD ZA OSIGURANJE CAMELIJA BIHAĆ"** Bihać, ulica 5. Korpusa broj 3, (ID broj 4263232820000), koje zastupa direktor Mensur Čavkić, (u daljem tekstu: **Izvršilac**)

zaključili su:

**UGOVOR**  
**za pružanje usluga osiguranja**  
**motornih vozila MUP-a Kantona Sarajevo**

**PREDMET UGOVORA**

**Član 1.**

Predmet ovog ugovora je pružanje usluga osiguranja motornih vozila za potrebe Ministarstva unutrašnjih poslova Kantona Sarajevo, nakon provedenog konkurentskog zahtjeva za dostavu ponuda na osnovu Odluke o pokretanju postupka broj 01-11-4-6447 od 30.12.2020. godine i prema Obavještenju o nabavci broj 1364-7-2-15-3-13/21 od 30.04.2021. godine.

Usluge osiguranja koje su predmet ovog ugovora obuhvataju osiguranje motornih vozila, koje uključuje: obavezno osiguranje od automobilske odgovornosti i kasko osiguranje bez uključene franšize i rizika od krađe, a u skladu sa tenderskom dokumentacijom i Ponudom - Obrascem za cijenu ponude Izvršioca od 10.05.2021. godine koja čini sastavni dio ovog ugovora.

**VRIJEDNOST UGOVORA**

**Član 2.**

Ukupna vrijednost ugovora iznosi 19.783,57 (devetnaest hiljad sedam stotina osamdeset tri i 57/100) KM. U skladu sa odredbama Zakona o PDV-u, usluge osiguranja su oslobođene plaćanja PDV-a.

Izvršilac se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora pružati usluge obaveznog i kasko osiguranja motornih vozila Naručioca.

U slučaju da Naručilac izvrši prodaju vozila ili u slučaju kvara na vozilu prije roka utvrđenog za registraciju i osiguranje, za ta vozila se neće vršiti predmetna usluga.

**GARANCIJA**

**Član 3.**

Izvršilac se obavezuje da će u roku od deset (10) dana od dana obostrano potpisanog ugovora dostaviti bankarsku garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

**ROK PLAĆANJA**

**Član 4.**

Izvršilac se obavezuje da za osiguranje vozila izdaje pojedinačne polise sa početkom osiguranja u zavisnosti od isteka registracije vozila, a prema spisku vozila koji je sastavni dio ovog ugovora.

Naručilac se obavezuje da će plaćanje premije za osiguranje vozila od autoodgovornosti vršiti odmah po izdavanju polise i prijema fakture, a za kasko osiguranje po izdavanju polise i prijemu fakture u roku od 30 (trideset) dana.

## **NAČIN IZVRŠENJA USLUGA**

### **Član 5.**

Izvršilac se obavezuje da će odmah po obavještenju od strane Naručioca pristupiti uviđaju i procjeni štete, a najkasnije u roku 24 sata, te se obavezuje da Naručilac može pristupiti saniranju štete kod svakog ovlaštenog servisa za popravku vozila na teret osiguranja.

### **Član 6.**

Ugovorne strane su saglasne da će se utvrđena šteta plaćati u roku od 15 (petnaest) dana od dana dostavljanja prijave osiguranog slučaja sa kompletnom dokumentacijom.

### **Član 7.**

Izvršilac se obavezuje da će usluge pružati u skladu sa zahtjevom Naručioca i da će odmah postupiti po eventualnim primjedbama Naručioca u pogledu nedostataka na ime kvaliteta izvršene usluge.

Naručilac je dužan dostaviti pismeno obavještenje o svakom propustu Izvršioca. Naručilac će utvrditi razuman rok za ispravak propusta Izvršioca u smislu izvršene usluge.

### **Član 8.**

U slučaju kašnjenja u pružanju usluga, do kojeg je došlo krivicom Izvršioca, isti će platiti ugovorenu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od sedam (7) dana od dana prijema zahtjeva za plaćanje od Naručioca.

Naručilac neće naplatiti ugovorenu kaznu ukoliko je do kašnjenja došlo usljed više sile.

### **Član 9.**

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i slično.

Strana u ugovoru pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

## **RJEŠAVANJE SPOROVA**

### **Član 10.**

Ugovorne strane su se sporazumjele da će sve eventualne nejasnoće nastale u toku realizacije ugovora rješavati sporazumno. U slučaju nemogućnosti sporazumnog rješavanja eventualnih sporova utvrđuje se nadležnost Suda u Sarajevu.

### **Član 11.**

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

## **ZAVRŠNE ODREDBE**

### **Član 12.**

Izvršilac nema pravo da zapošljava, u svrhu izvršenja Ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za provođenje postupka javne nabavke, najmanje šest mjeseci po zaključenju Ugovora.

**Član 13.**

Ugovor stupa na snagu danom potpisivanja ovlaštenih predstavnika ugovornih strana i traje do realizacije ugovorene vrijednosti.

**Član 14.**

Ugovor je sačinjen u 4 (četiri) istovjetna primjeraka, a svaka od ugovornih strana zadržava po dva (2).

**IZVRŠILAC:**  
DD ZA OSIGURANJE CAMELJA  
BIHAG

\_\_\_\_\_  
direktor  
Mensur Čavkić



**RUČILAC:**  
MINISTARSTVO UNUTRAŠNJIH POSLOVA  
CANTONA SARAJEVO

\_\_\_\_\_  
Ministar  
Admir Katica

Broj: 1120/21  
Datum: 23.06.2021

Broj: 01-11-4-6447-10  
Datum: 17.06.2021. godine